

Pinngitsaaliissummit unitsitsinermi periutsit pillugit Namminersorlutik Oqartussat nalunaarutaat nr. 17, 2. december 2013-imeersoq

Tarnimikkut nappaatilinnik nammineersinnaajunnaarsitsineq allatigullu pinngitsaaliissummit iliuuseqarneq pillugu Inatsisartut inatsisaanni nr. 24-mi , 3. december 2012-imeersumi § 8, imm. 3, naapertorlugu aalajangersarneqarput:

Kapitali 1

Nakorsamik aggersaaneq

§ 1. Napparsimasup tarnimigut nappaateqarsorinartup nammineq katsorsartinnissi isumaginngippagu, tarnimikkut nappaatilinnik nammineersinnaajunnaarsitsineq allatigullu pinngitsaaliissummit iliuuseqarneq pillugu Inatsisartut inatsisaanni § 6, imm 1, naapertorlugu unitsitsinissaq siunertaralugu qanigisaasut peqqinnissaqarfimmut attaveqassapput.

Imm. 2. Napparsimasup qaniginerusai tassaapput aappaasoq, inooqataasoq, angajoqqaat, qitornat inersimasut, napparsimasullu inoqu tai. Napparsimasoq paaqqinniffimmiippat, unitsitsinissaq siunertaralugu peqqinnissaqarfimmut attaveqarnissamut pisussaaffik sulisuniippoq.

§ 2. Qanigisaasut allalluunniit peqqinnissaqarfimmut saaffiginninngippata, politiit tamatumunnga pisussaaffeqarput.

Kapitali 2

Nakorsaq unitsitsisoq

§ 3. Nakorsap napparsimasoq misissoreerlugu unitsinneqarnissaa pisariaqartoq paasiguniuk, Inatsisartut inatsisaanni § 3, imm. 1-im i aalajangersagaq naapertorlugu nakorsap napparsimasoq uninnissaanut akuersitinniassavaa, tamatumunngalu atatillugu Inatsisartut Inatsisaanni § 3, imm. 2, naapertorlugu pingartumik uninnerup siunertaanik peqqissinerusinnaanerlu pillugit ilitsersorlugu.

Imm. 2. Inatsisartut inatsisaanni § 4, imm. 1, naapertorlugu pissutsit apeqqutaatillugit, napparsimasoq uninnissamut apeqqut pillugu naammaginartumik piffissalerlugu eqqarsarfissinneqassaaq.

§ 4. Napparsimasoq paassisutissinneqareerluni unitsinneqarnissamut akuersinngippat, pinngitsaaliissummit unitsinneqarnissaa pisariaqarnersoq nakorsamit naliliivigineqassaaq.

Imm. 2. Inatsisartut Inatsisaanni § 5 naapertorlugu piumasaqaatit eqquutsinneqarpata pinngitsaaliissummit unitsitsisoqassaaq.

§ 5. Pinngitsaaliisummik unitsitsisoqassappat, nakorsaq nappaatip suusinnaaneranik, napparsimasup tarnimigut piussaanik nakorsallu Inatsisartut inatsisaanni § 5, imm. 1 (katsorsartittariaqarneq) imal. imm. 2 (navianartorsiortitsisinnaaneq) naapertorlugu, piumasaqaatit eququutsinnejnarnerannut isumaqataanermik imalimmik nalunaarusiusaaq.

Imm. 2. Nalunaarut unitsitsinissaq pineqartoq siunertalarlugu, nakorsap nammineq misissuineranik tunngaveqassaaq.

Imm. 3. Misissuineq naammassiniariarpat piaernerpaamik nalunaarusiortoqassaaq.

Imm. 4. Pinngitsaaliisummik unitsitsisoqarnissaa siunertalarlugu nalunnaarut nakorsap politiinut tunniutissavaa imal. nassiuressavaa.

Kapitali 3

Pinngitsaalissummik unitsitsineq

§ 6. Pinngitsaaliisummik unitsitsinissap isumagineqarnissaa politiit aalajangiivigissavaat.

§ 7. Pinngitsaaliisummik unitsitsinissamut aalajangiisussap, pinngitsaaliisummik unitsitsinermut atatillugu Inatsisartut inatsisaanni piumasaqaatit eququutsinnejnarnerat, tamatumunngalu atatillugu Inatsisartut inatsisaat naapertorlugu periusissap eququutsinnejnarnera, nakorsallu nalunaarutaa paasissutissanik pinngitsaaliisummik unitsitsinissamut tunngavissatut pisariaqartitanik imaqarnersoq misissussavaa.

§ 8. Sumi pinngitsaaliisummik unitsitsi soqarnissaa, ingerlaannaq unitsitsinissaq pisariaqanngippat, qaqgu tamatuma pinissaa pillugu, politiit Dronning Ingridip Napparsimmavissuani tarnimikkut nappaatilinnut immikkoortortaqarfik isumaqatigiissuteqarfingissavaat. Inatsisartut inatsisaanni § 1, imm. 2, naapertorlugu Peqqinnissaqarfiup immikkoortuini allani ingerlaannaq pinngitsaaliisummik unitsitsisoqarallartariaqassappat, Dronning Ingridip Napparsimmavissuani tarnimikkut nappaatilinnut immikkoortortaqarfik, napparsimasup immikkoortortamut qaqgu nuunneqarnissaa pillugu, piaernerpaamik attavigineqassaaq.

§ 9. Inatsisartut Inatsisaanni § 5, imm. 1 (katsorsartittariaqarneq) naapertorlugu pinngitsaaliisummik unitsitsisoqarpas, nakorsap unitsitsisup napparsimasumik misissuineranut atatillugu pinngitsaaliisummik unitsitsisoqanngippat, pinngitsaaliisummik unitsitsinissap qaqgu pinissaa pillugu, politiit nakorsamut unitsitsisumut ilisimatitsissapput. Pinngitsaaliisummik unitsitsinissap qaqgu pinissaa aalajangiivigineqarniariarpas, piaernerpaamik ilisimatitsissutigineqassaaq.

Imm. 2. Pinngitsaaliisummik unitsitsinermi nakorsaq unitsitsisoq sapinngisamik peqataassaaq. Tamatumani Inatsisartut inatsisaanni §§ 3 aamma 38 naapertorlugit nakorsaq napparsimasumik ilitsersueqqissaaq, pinngitsaaliisummillu unitsitsinissamut piumasaqaatit eququutsinnejnarnerat misissussallugu.

§ 10. Pinngitsaaliisummik unitsitsinermi Inatsisartut inatsisaanni § 5, nr. 2

(navianartorsiortitsisinnaaneq) naapertorlugu nakorsap misissuinera ullup unnuallu kingulliup ingerlanerani pisimanersoq, Inatsisartullu inatsisaanni § 7, imm. 3 (katsorsartittariaqarneq) naapertorlugu unitsitsineq, ullut arfineq marluk kingulliit iluanni pisimanersoq politiit misissussavaat.

Imm. 2. Inatsisartut inatsisaanni § 7, imm. 3, naapertorlugu piffissaliussat eqquutsinnejannngippata, nakorsap napparsimasumik misissueqqinneratigut unitsitsinissamullu tunngatillugu nutaanik allagartaliornikkut aatsaat pinngitsaaliisummik unitsitsisoqarsinnaavoq.

§ 11. Pinngitsaaliisummik unitsitsineq Inatsisartut inatsisaanni § 4, imm. 3, naapertorlugu, pisariaqanngitsumik kanngutsatsitsisoqaqqunagu akornuseequnaguluunniit, sapinngisaq tamaat qajassuartumik malunnaarsaartumillu ingerlanneqassaaq. Politiit peqataasut sapinngisaq naapertorlugu inuinnartut atisaqassapput. Napparsimasoq politiit biiliinik angallanneqassappat, sapinngisaq tamaat inuinnaat bilii sulifimmik atorneqartartut atorlugit angallanneqassaaq.

§ 12. Pinngitsaaliisummik unitsitsinnginnermi sapinngisaq tamaat napparsimasup qanigisaa ataaseq arlallilluunniit, pinngitsaaliisummik unitsitsinissaq pillugu politiinit ilisimatinneqassapput.

Imm. 2. Napparsimasup najugaqataa/najugaqatai imal. najugaqarfia sapinngisaq tamaat isumaqatigalugit pinngitsaaliisummik unitsitsisoqassaaq.

Imm. 3. Imm. 1 naapertorlugu pinngitsaaliisummik unitsitsinnginnermi ilisimatitsisoqarsinnaasimannngippat, napparsimasup qanigisaa ataaseq arlallilluunniit pinngitsaaliisummik unitsitsineq pillugu, politiinit piaernerpaamik tamatuminnga ilisimatinneqassapput.

Kapitali 4

Napparsimasup unitsinnejarnera

§ 13. Dronning Ingridip Napparsimmavissuani tarnimikkut nappaatilinnut immikkoortortaqarfimmi pinngitsaaliisummik uninngaviusussami nakorsaanerup, Inatsisartut inatsisaanni § 8, imm. 2, naapertorlugu pinngitsaaliisummik unitsitsinermi piumasaqaatit eqquutsinnejarsimanersut aalajangiivigissavai. Nakorsaanerup peqannginnerani tarnimikkut nappaatilinnut immikkoortortaqarfimmi nakorsaq alla aalajangiisusinnaavoq. Taamaattoqartillugu aalajangiineq nakorsaanermiit piaernerpaamik isummerfigineqassaaq.

Imm. 2. Inatsisartut inatsisaanni § 5, nr. 2 (navianartorsiortitsisinnaaneq) naapertorlugu pinngitsaaliisummik unitsitsisoqarpat, napparsimasoq ingerlaannaq unitsinnejassaaq.

Imm. 3. Inatsisartut inatsisaanni § 5, nr. 1 (katsorsartittariaqarneq) naapertorlugu pinngitsaaliisummik unitsitsisoqarpat, napparsimasoq nakorsamit misissortereernerup kingorna piaernerpaamik, kingusinnerpaamillu ullut arfineq marluk qaangiutsinnagit unitsinnejassaaq.

Kapitali 5

§ 14. Nalunaarut 16. december 2013 atuutilersinneqarpoq.

Namminersorlutik Oqartussat , ulloq 2. december 2013

Steen Lynge

/

Ann Birkekær Kjeldsen